

東

華

續

錄

東華續錄

同治七十四

臣王先謙敬編

臣張式恭恭校

八月乙巳朔諭內閣前日據御史德泰奏請修理園庭以復舊制並稱內務府庫守貴祥有擬就章程五條既不動用庫款又可代濟民生條理得宜安置有法各等語當諭軍機大臣將德泰代遞貴祥所擬章程呈覽詳加披閱荒謬離奇實出情理之外當此軍務未平民生困苦流離朝廷方欲加意撫恤以副視民如傷之隱乃該庫守則請於京外各地方按戶按畝按村鱗次收捐如此擾害閭閻尚復成何政體前明加餉派餉以致民怨沸騰國事不可復問我列祖列宗屢次引爲殷鑒中外大小臣工詎不深知

況御史爲言事之官其於國計民生有礙者正當力陳其弊藉資

補救不意德泰所陳顯達列聖之彝訓反欲朝廷剝削小民動搖邦本並以貴祥所擬章程爲可取且云於國計民生兩有裨益喪心病狂莫此爲甚德泰著卽革職庫守貴祥以微末之員輒敢妄有條陳希圖漁利著卽革去庫守發往黑龍江給披甲人爲奴以爲莠言亂政者戒○復以鄧廷枏爲福建布政使○永定河溢○丁未諭左宗棠飭軍扼守榆林防回逆東竄○戊申諭軍機大臣等崇實奏川師援黔攻克尙大坪生擒首逆餘賊勦撫淨盡一摺唐炯入黔後節節埽蕩竟將積年難拔之尙大坪攻克生擒倡亂之教首劉儀順號匪秦恩惠餘匪勦撫淨盡辦理甚爲得手著崇實仍飭該員等乘勝會同黔楚各軍進規平越黃平等處務期一鼓殲除以清餘孽總兵劉鶴齡等曉暢戎機已交軍機處分別存記將此由五百里諭令知之○杜聯以病免以溫葆深爲禮部

右侍郎山西副都御史遷

○予甘肅陣亡遊擊李三元等祭葬世職○己

酉諭軍機大臣等前因錫綸奏布倫托海難民叛形日張十蘇木  
蒙兵不能用命請仍復塔城舊制當經諭令原派會議王大臣等  
妥議具奏茲據該王大臣等奏稱李雲麟自到布倫托海以來種  
種辦理不善見據錫綸咨行明瑤札飭該總管等傳諭該蘇木人  
眾仍復塔城舊制以安眾心請飭明瑤錫綸等妥爲經理其額設  
餉糈並請照舊定之數源源籌撥所有應行變通事宜仍由明瑤  
錫綸等隨時體察請旨定奪等語布倫托海新城猝遭變亂是李  
雲麟所改章程與民不便之處已可概見自應改復舊制以治輿  
情卽著明瑤錫綸等凜遵前旨悉心籌辦但不可稍存遷就貽誤  
將來張器等乘機構亂罪不容誅惟此股人數究有若干見在竄  
至何處抑仍在烏隴古河著麟興榮全錦丕勒多爾濟奎昌福濟

明瑤錫綸迅飭在事將士偵探明確相機兜擊並檄令巴彥特古  
斯等督率蒙兵隨同棍鳴扎勒參會合土爾扈特各旗兵跟蹤追  
勦以期痛殲醜類綏靖邊疆其額設餉糈卽照該王大臣等所議  
由該大臣等遵照舊定之數源源接濟毋令稍形缺乏該城係屬  
新設一切事宜如有隨時變通之處明瑤錫綸等務當加意體察  
奏明辦理李雲麟貽誤各情仍著福濟錫綸詳細查明據實具奏  
原摺著鈔給閱看將此由五百里各諭令知之○諭英翰奏皖軍  
渡黃陳國瑞所部一併帶回皖省請飭劉銘傳扼繁巖南各摺片  
皖省各軍見已一律渡黃卽著該署撫於南旋後悉心籌畫妥爲  
遣撤陳國瑞所部勇丁見旣分隸程文炳等隊下將來應如何遣  
散之處英翰尤當妥爲辦理毋令滋生事端東昌一帶各營散勇  
每起或三四十人或四五十人時有攜帶軍器搶劫滋事之案皖

軍過河時曾遇數起經英翰派員彈壓酌給錢文追繳器械押令  
過河回籍黃河北岸地方縣瓦恐此等散勇尙復不少著官文丁  
寶楨遴委委員會同各該地方官稽查彈壓尤不可顧惜小費致  
令流而爲匪擾害地方恩承當督飭所部沿途按查協同辦理前  
諭李鴻章飭令劉銘傳將在營兵勇移撤大河以南見在該提督  
所部行抵何處應否飭令扼紮畿南以資鎮撫之處著李鴻章統  
籌全局迅速具奏將此由五百里各諭令知之○命兩江總督馬  
新貽充辦理通商事務大臣並以江蘇巡撫丁日昌幫同辦理○  
庚戌廣東豐順縣學額二名○予直隸陳凸副將李德謙等祭  
葬世職○辛亥予山西殉難知縣王國寶等建祠○壬子以捻逆  
蕩平免安徽江蘇山東河南湖北被擾地方同治六年以前錢糧  
○撥部庫銀二萬兩解科布多○癸丑諭軍機大臣等官文奏請

將防勦出力文武大員獎勵各摺片此次捻匪竄擾直境道員劉策先今春派赴易州到防頗爲迅速尙屬能知緩急總兵劉祺防勦亦尙得力該二員均照所請給獎藩司盧定勤等前已有旨開復失守所屬州縣處分並其餘各員中所保過優均經酌改以昭平允唐訓方准其回籍省墓其所部各營暨保定練軍著官文另派妥員管帶道員余承恩等前於開復處分時已諭令不准再保所請鼓勵之處著毋庸議此外勦捻員弁於勦辦集匪案內已經保獎者著該署督仍遵前旨不得再行濶請將此諭令知之○諭庫克吉泰劉典奏陝甘各軍勦賊疊勝董志原回逆仍圖竄陝一摺涇河北岸賊匪竄至長武縣境經雷正綰督令陳義等率隊追擊斬獲甚多提督劉厚基所部復於解清澗城圍後疊獲勝仗賊向老君殿一帶竄走其竄洛川宜君等處之賊亦經高連陞劉端

羌兩軍擊敗此時賊勢雖衰而大股仍踞正南北原崖三一股偏  
近隴州北路土匪虜聚安定保安蔓延懷遠綏榆一帶防務尙未  
可鬆仍著庫克吉泰劉典檄飭高連陞等督率所部會合雷正館  
一軍前截後追將董志原逆股痛加勦洗毋任四出飽掠並一面  
嚴飭知州成定康迅赴綏德與榆林鎮兵聯絡聲勢加意嚴防不  
准稍涉疏懈將此由五百里各諭令知之○西安將軍庫克吉泰  
等奏土匪扈彰自赴延安求撫得旨著嚴飭劉厚基等妥籌辦理  
不可稍涉大意○予江蘇殉難在籍府經歷林國楨祭葬世職○  
甲寅諭軍機大臣等蘇廷魁李鶴年奏請撥款堵築淤工分流一  
擣黃河淤工漫口隄岸壠寬二百十丈之多見經蘇廷魁等督率  
工員搶錄兩埽裏頭雖已完竣而口門寬廣正河澑勢恐其併歸  
分流處所南趨該署河督等見擬於外口估築攔溝大壠以閉其

氣俟壩基增培完竣卽於兩壩先行進占爲收窄合龍地步著卽  
趕緊籌辦所需工料銀九十萬兩見當應用緊急之時著戶部先  
行撥發庫銀四十萬兩由順天府派員迅速解赴工次以便剋日  
興工其銀五十萬兩卽由戶部續撥有著之款以資接濟蘇廷魁  
等務當撙節動支不得任聽工員浮冒開銷致涉虛糜所稱此項  
用款俟截數後於各省支發各項內每百兩扣除二兩以資歸款  
之處著戶部酌議具奏將此諭知戶部並由五百里諭令蘇廷魁  
李鶴年知之○乙卯予江南陣亡參將曾思厚等祭葬世職○丙  
辰諭軍機大臣等李鴻章奏各軍陸續凱撤邊飭銘軍暫紮張秋  
兼顧畿南一摺劉銘傳一軍應否飭紮畿南前經諭令李鴻章統  
籌全局具奏茲據奏稱直省兵燹以後再調大枝客軍移紮近畿  
居民轉相驚疑見擬令該軍暫紮張秋迤北與大名河間等境相

近尚可兼顧畿南糧餉接濟亦便等語該軍久在東省兵民相安  
自應令其暫紓張秋以資彈壓著卽檄令該提督嚴飭劉盛藻將  
該軍汰弱畱強妥爲鈐束並隨時稽查游勇以靖地方德州一帶  
並著飭令吳長慶督率各營毋稍滋擾昨據曾國藩奏豫籌撤勇  
經費已諭知李瀚章劉坤一於浙江江西各借撥銀二十萬兩郭  
柏蔭何環於湖北借撥銀十萬兩此時遣撤湘淮各軍事關緊要  
著曾國藩遵奉前旨咨催各該省督撫按照所撥數目趕緊解交  
江甯以便彙齊餉項將撤勇事宜早爲辦理李鴻章另片奏曲阜  
孔廟宜及時修葺請飭兩江湖廣總督各籌銀二萬兩彙解山  
東並由山東巡撫在本省籌銀二萬兩派員興修等語卽著曾國  
藩郭柏蔭於該省撤軍就緒後各速籌銀二萬兩解赴東省並著  
丁寶楨在該省籌銀二萬兩遴派公員謹將大成殿九間檐宇及

東華錄卷一百一十一  
坤毀各工擇要興修以昭誠敬將此由五百里各諭令知之○左宗棠奏臣兩奉寄諭敬悉金順奏稱土回各匪股數甚多蔓延葭米並有髮逆袁姓大股竄至綏德諭令廣籌方略妥爲兼顧鄭敦謹奏請調得力官兵赴榆林進剿諭令酌度情形夾擊兼顧仰見西陲兵事方殷至煩 聖慮竊維陝西所患回土各匪出沒靡常臣上年入關維時捻逆狼狽未遑悉力接剿嗣蒙特簡劉典署理撫篆陝西軍務日有起色稍紓朝廷西顧之憂金順所陳髮逆袁姓大股竄至綏德似卽指雲巖踞逆髮捻袁大魁而言此股已經劉典派道員魏光勳提督劉端冕及提督劉厚基所部會剿犁巢擒穴一鼓殲除惟首逆及隨身死黨數十漏逸未獲諒茲敗殘小醜暫無能爲葭米一帶竄匪多由花馬池定邊一帶竄來陝之北鄙與甘肅接壤各處山谷盤互素爲土匪藏匿之所其頭目以董

幅祥扈彰爲最著前據各路稟董幅祥扈彰均已就撫劉典函中亦略及之惟慮人數衆多安插不易未能日久帖然榆林綏德距西安千里而遙距花馬池定邊一帶亦近千里山程荒遠郵傳闊稀無事時文牘往還已虛沈滯亂後音書寥寂傳聞互異固在意中金順拜摺時尙未知雲巖剿辦竣事故未免鰥鶩過慮耳至鄭敦謹請調得力官兵赴榆林進剿意在以入秦進剿之師爲山西防邊之用事期兼濟局勢攸宜見在凱旋各軍因河間大名一帶積潦縱橫自東徂西官道多遭漫溢人馬難行臣未拔營之前屢次遣人探視回報皆同故擬由景州取道鉅鹿任縣一帶以向彰德衛輝俟臣入覲後南旋會隊然後渡師孟津返旆西嚮其未能取道井陘諸徑由晉入秦亦實由前途被水淹阻車駁絕迹致然不僅太行之險爲可憚也諭旨飭臣酌度情形抽派得力將弁由

河保一帶渡河西向榆林節節進剿以扼賊匪東竄臣擬俟行抵懷慶後再察陝邊兵情賊勢以定行止至劉松山所部因從征既久疲病過多前此回湘召募勇丁二三千北來更補見已由鄂抵豫該軍渡河後必須在洛陽一帶暫駐從新訓練一律完整乃可率以西趨郭運昌一軍過河後各將士有須給假更換者入關之期亦未能速卽臣之親軍各營入關後亦必須逐加整理始可卽戎未可加以迫促也山西防務旣以北路爲重自應早爲籌備綢繆於未雨之先綏遠城將軍大同鎮總兵責有專屬兵力原不爲單旣不過河助剿以剿爲防亦宜憑河設防寓防於剿豈宜遠恃鄰省剿賊官軍爲固圉之計果如鄭敦謹所奏由晉渡河扼守榆林相機進剿從此秦賊不復東窺晉防亦臻鞏固豈非臣之至願特晉防自歸化薩托清等處由西北折而南由南折而東一千六七

百里惟恃河流一綫扼賊東趨秦軍勦賊轉戰而前勢難停軍久駐河岸而回土各匪勢既蔓延北山一帶路徑紛雜臣軍雖節節埽蕩而西保無漏逸餘匪乘虛東犯苟晉防稍有罅漏終難免金隄蟻穴之虞上年綏德方復而逆城忽從西南疾趨乘冰東竄爲大局憂迨本年三月山西增募之湘軍遠調前來已無及矣事後追思悔恨何益合無仰懇天恩飭下山西撫臣臣綏遠城將軍豫將轄境防務早爲籌畫自薩托清以迄垣曲水陸交關則無滲漏如須調兵募勇卽於冰橋未成之先上緊布置勿如前此諉謝因循再蹈覆轍是所至幸臣雖愚昧亦頗知大局爲重凡心力所可盡者斷不稍分畛域自重愆尤上諭晉防自歸化薩托清等處既蔓延北山一帶路徑紛雜難保無漏逸餘匪乘虛東犯所有晉由北而南一千六七百里秦軍進剿勢難久駐河岸回土各匪見

省北路防務鄭敦謹當會商定安桂成悉心籌畫河保巡南沿河各邑防堵該署撫亦應督飭帶兵各員弁嚴密布置如須調兵募勇務於冰橋未成之先趕緊籌辦毋得專恃鄰軍授勦坐失機宜晉省防務秦師回難專任而於一切布置機宜左宗棠仍當全局統籌力扼賊匪母使東竄如有大股賊匪逼近晉邊仍應迅撥兵勇入晉會剿以保完區該大臣無論從何路入陝總以兵由東進逼賊西趨最爲要著奏回日肆彼猖亟須添撥勁旅協同勦洗劉松山郭運昌等營卽著左宗棠檄令趕緊訓練俾迅速成軍剋期西進掃蕩逆氣將此諭知左宗棠並由五百里諭令鄭敦謹定安桂成知之○以故豫慎親王義道予本格製爵○予四川殉難知縣國澍建祠○戊午命盛京副都統清凱等赴山海關恭送文宗顯皇帝聖容 實錄 聖訓 玉牒 冊 寶○諭內閣理藩

院奏據科爾沁博多勒噶台親王伯彥訥謨祜爲庶祖母生母呈請封典請飭部查明辦理一摺伯彥訥謨祜故父僧格林沁自幼經額駙索特那木多布齊之媵韓氏撫養賴以成立僧格林沁功勳卓著爲國捐軀前已疊沛恩施今韓氏年逾八旬自應念其撫育之勤一體加恩著封爲索特那木多布齊之側室伯彥訥謨祜生母尼魯特氏著一併加恩封爲僧格林沁之側室以遂孝思嗣後不得援以爲例○諭軍機大臣等前因滇省軍務緊要胡中和未能移師入滇諭令崇實另籌一軍遴派得力將領帶往援應茲據崇實奏稱見派道員劉嶽曙統軍赴滇一摺劉嶽曙所部果後營後軍二千八百名本係劉嶽昭舊部見經崇實派令由黔西大定赴滇援應著卽飭令迅速前進歸劉嶽昭調遣應需軍火口糧仍由崇實源源接濟黔省安平巖大五股匪卽著崇實檄調陳希

祥統帶所部馳赴劉嶽曙駐防處所責成勦辦滇省軍務正值喫緊之時省垣城圍未解劉嶽昭帶兵入滇已及半載尙未進抵省城憂據有人奏稱該督所部勇丁與岑毓英所部練丁積不相能戰陣既多推諉又復自相攻擊該督之屏梁士美劾楊盛宗爲全滇騷動之由州縣相繼淪亡猶復以捷報掩飾等語劉嶽昭自駐曲靖以來僅止派兵前赴尋甸並未進援省城滇省情形自以先解省圖力顧本根爲急豈得遲回觀望專以艱鉅之事諉諸岑毓英一人該督身任兼圻責無旁貸著卽迅督所部馳抵省垣會勦應如何布置籌畫並著詳細奏明所統勇丁尤當約束嚴明不得任其與滇練私行爭鬪滇省文武各官亦宜選擇賢能量材器使以收得人之效不可駕馭失宜致拂輿情一切奏報軍情尤應據實直陳不准粉飾欺隱自干咎戾毋謂該處距京遙遠朝廷竟無

聞知也懷之慎之將此由五百里各諭令知之○諭蘇鳳文奏鎮安官軍連克匪巢一摺逆首吳亞終屢被官軍擊敗遁入越南餘黨猶踞三台等巢恃險抗拒經該處團勇分投攻擊必有斬擒連克三台安德等賊巢並將湖潤寨另股賊匪擊敗勦辦尙爲得手惟各股餘孽見均遁入越南與鎮郡相去非遙邊外游匪素多易於勾結而太平龍州所屬各土司處處接壤密邇賊蹤防勦均形喫重且吳亞終曾勾結越南弄匪攻擾洛陽九葑等處並有欲襲下凍等處之說是賊情狡譎異常尤須及早盡數殲除方免延蔓覃遠璉已因病交卸兵事馮子材統帶各營責無旁貸所有太鎮軍情該提督均當妥籌兼顧著卽親督諸軍剋期越境勦賊或分兵兩路夾攻或合軍專力進剿務須體察情形相機籌辦越南係屬外藩旣有匪徒潛匿自當趕緊搜捕絕其根株免致別生枝節

著蘇鳳文飭屬知照越南夷官查拏該處奸宄會同官軍悉力兜擊母令該逆得以漏網並嚴飭地方文武員弁實力防堵以遏賊氛該撫等其隨時和衷商辦早清邊圉不得敷衍草率了事致貽亂萌將此由五百里各諭令知之○官軍復陝西綏德州城賞提督劉厚基珍物○庚申諭官文等籌餉備吉林軍需○命翰林院侍講學士袁保恆赴左宗棠軍營差委○辛酉湖南巡撫劉崐奏援黔各軍疊次獲勝得旨著卽督飭道員葉兆蘭等乘勝進剿母稍鬆勁至河西一帶善後事宜並著檄令彭芝亮妥籌辦理○左宗棠奏竊陝甘籌餉之艱天下共知其所以異於諸省者地方荒瘠物產非饒一也舟楫不通懋遷不便二也各省雖遭捻逆髮逆之害然或旋擾旋復或腴區被擾瘠地猶得苟全或衝途被擾僻鄉猶能自固陝甘回漢錯處互相仇殺六七年並無甯宇新疇已

廢舊藏旋空搜掠既頻避移無所三也變亂以來漢回人民死亡  
大半牲畜掠食鮮存種藝既乏壯丁耕墾並少牛馬生穀無資利  
源遂塞四也兵勇餉數各省雖贏縮不同然日食所需尙易點綴  
以糧價平減購致非難故也陝甘則食物翔貴數倍他方兵勇日  
啖細糧二斤卽需銀一錢有奇卽按日給予實銀一飽之外並無  
存畱鹽菜衣履復將安出五也各省地丁錢糧之外均有另釐雜  
稅捐輸各項勉供挹注陝西釐稅每年尙可得十萬兩內外甘省  
則併此無之捐輸則兩省均難籌辦軍興旣久公私交困六也各  
省轉運雖極繁重然陸有車駄水有舟楫又有民夫足供雇運陝  
甘則山徑犖確沙磧荒遠所恃以轉餉者惟駄與夫駄則驃馬難  
供夫則雇覓不出且糧糗麩料事事艱難勞費倍常七也用兵之  
道勦撫兼施撫之爲難尤甚於勦勦者戰勝之後別無籌畫撫則

受降之後更費綢繆各省受降惟籌給資遣散令其各歸原籍而已陝甘則餉由內作漢回皆是土著散遣無歸非籌安插之地給牲畜籽種不可其未及安插之先非酌籌口食之資不可用費浩繁難以數計入也陝甘用兵頗多爲時又久亂後荒瘠殊常購糧不易各軍每於人煙稍密種植稍多地方隨時安紮營壘始猶藉稱保護莊稼給錢辦糧繼則捐派民間不給價值甚且掠殆盡民不敢爭以致轉徙流離變而爲匪或被逆回蓄養苟且偷生甘爲從教之人黨惡助逆章奏中所稱甘省飢民土匪大率此類居多若不及早覈實汰存子以實餉俾其有所藉口則軍令有所不行垂盡之殘黎靡有孑遺未荒之土地盡成榛莽而西陲之事不可復問矣臣之立意仿漢趙充國議開屯以省轉饋撫輯無業災民且防且勦且戰且耕不專恃軍威爲戡定之計者區區之愚蓋

以辦回逆與勦羣寇不同陝甘事勢與各省情形各別將欲奠此一方永弭後患則固不敢急旦夕之效而忘遠大之規也通計陝西每年缺餉一百五六十萬兩甘肅每年缺餉二百餘萬兩而屯田之資撫餉之費不與焉茲幸稔逆蕩平海內兵事漸息餉事亦藉資周轉合無仰懇天恩飭下軍機大臣會同戶部酌議籌撥陝甘的餉俾微臣得從容整理以奠危疆則陝甘軍民共戴皇仁於無窮而臣亦得仰賴鴻施稍寬咎責矣再臣軍入陝餉需必須隨時接濟而近來各省協餉未能如期撥解縱使函牘交催多以空言搪塞陝甘距東南各省較遠轉運維艱即各省協濟有款報解之後亦非數月不能到陝往往停軍待餉致誤機宜臣於上年兩次奏請借撥洋餉由各該藩司解還各海關歸款誠以借款由各省歸還於款目並無出入而臣軍得此巨款即可豫先籌

畫立濟要需見在軍務蕩平東南各省餉事足敷周轉雖釐金一項曾奉諭旨量爲裁減酌畱大宗統計爲數尙鉅似可移作西征軍餉臣軍除前奉部撥各餉外此次江蘇江西湖北四川等省復有請旨加撥之餉應如何按月提撥妥爲經理抑仍准臣援照上年成案酌借洋款由釐金項下歸還俾臣西行無顧慮之處伏乞飭部一併會同速爲議覆施行無任感激待命之至謹附片具陳伏乞 聖鑒施行得旨軍機大臣會同戶部速議具奏○予貴州陣亡遊擊彭漢明等祭葬世職○壬戌諭步軍統領等衙門嚴禁捕役勒索○趣蔣益澧赴山西籌備防務○予江蘇陣亡在籍中書許銘勳祭葬世職○癸亥諭軍機大臣等傳諭署安徽巡撫吳坤修吳坤修奏捻逆已平擬旋省督辦善後一摺前因捻逆肆擾皖省應籌前敵餉需吳坤修奏請移繁壽州便於照本該處距省

較遠遇有緊要公事文函往返需時終覺事機滯滯見在捻患已  
除穎亳蒙宿地方亦均安謐吳坤修自可旋省籌辦善後以期呼  
應較靈著俟前敵各軍回皖分別撤畱後吳坤修卽暫行旋省督  
同司道各員將清查田畝招墾荒蕪及一切應辦事宜悉心經理  
次第舉行藉資整頓惟皖省素稱捻藪尤須隨時稽查彈壓庶免  
萌蘖復生俟善後事宜辦理就緒該署撫仍當出省周歷巡查以  
期綏靖地方另片奏仍請畱張兆棟辦理秋徵等語張兆棟著准  
其暫緩交卸俟秋徵完竣卽行前赴新任以重職守刻下捻逆肅  
清營伍尤宜整頓該省記名提鎮人員中如有熟悉戎機長於訓  
練能實心實力整飭營務者著該署撫畱心察看出具切實考語  
隨時奏聞候旨錄用○乙丑諭軍機大臣等庫克吉泰等奏各軍  
勦賊疊勝並見籌防勦情形劉典奏審明慘殺回戶人犯正法各

摺劉厚基一軍追賊至延川西溝口將匪目袁大魁殲斃其竄中  
部洛川等處賊匪經知州成定康會同毛正明等夾擊擒斬甚多  
劉端冕黃鼎等復敗賊於街子河紅崖河一帶該逆分股回撲又  
經劉倬雲喻兆圭督率各隊四路環攻賊敗向正甯逃走據獲賊  
供董志原踞賊缺糧已極見仍飭各軍暫時固守此次劉厚基等  
軍追勦勢勝軍事尙屬得手惟該匪股見正乏食當秋糧棲野之  
時難保不圖飽掠著庫克吉泰劉典檄飭劉厚基等實力嚴防並  
偵探賊蹤相機追勦母任闡入腹地復肆蔓延陝垣圍練總蘇深  
率勇殺害同人馬五羊兒及其父馬建功弟馬隨羊兒並將伊家  
婦女幼孩全行殺斃事後又復栽贓誣賴該犯等仇殺同民竟至  
一家八命殘忍已極見經劉典訊明將蘇深常添喜楊城蕭老二  
張豹子五犯正法在逃之李深常老三飭獲另結辦理尙屬持平

漢民回民皆係朝廷赤子軍興以來已屢諭該督撫等籌辦陝甘  
地方事宜止分良莠不論漢回原以昭大公而戢亂萌嗣後該署  
撫遇有漢回交涉事件務當酌度情由妥爲覈辦不得稍存歧視  
致啟紛爭此案逃犯李潔常老三仍著飭屬嚴拏務獲究辦毋令  
倖逃法網該署撫卽摘錄此次諭旨徧行曉諭以示化莠爲良之  
意該省漢回錯處近時有無猜忌情形仍著詳查具奏將此由五  
百里各諭令知之○丙寅諭軍機大臣等奕榕奏官兵剿賊獲勝  
見在搜捕情形一摺奉省邊外匪徒由四家子屯等處竄入邊裏  
在孤家子屯等處肆擾其彰武臺地方亦有另股匪徒搶掠均經  
奉省派出官兵並蒙古兵丁分路剿捕殺斃多名槍傷首匪張西  
城並擊斃王金良等三名惟逃散餘匪尙復不少張西城程廣學  
二人尤爲著名巨匪必須及早翦除以杜滋蔓著奕榕督飭協領

常在與添派之委營總成福帶領所部官兵馳赴邊外會合蒙古官兵併力搜捕務將逃匪悉數殲除並將著名盜首按名弋獲毋任漏網遠颺致貽後患將此諭令知之○丁卯諭軍機大臣等曾國藩奏請陞見並憑陳款忱各摺片覽奏均悉曾國藩著俟馬新貽抵任後將散勇事宜及地方一切公事會同商辦妥協後再行來京陛見赴直隸總督新任該督自辦理軍務十餘年來勤勞王事不遑顧及其親朝廷每一垂念深爲惻然惟見在畿輔要區正賴重臣整理該督當仰體朝廷倚畀之專勿拘故常而遽萌退志以副委任有厚望焉兩江記名提鎮人員中如有曉暢戎機長於訓練能實力實心整頓營伍者並著曾國藩出具切實考語據實奏聞以備錄用將此諭令知之○諭劉嶽昭奏進攻尋甸獲勝情形請飭川省撥餉會辦滇捐並請飭兩江督臣採買火器各摺片

劉嶽昭所部各軍分路進攻七星橋將該處木城攻破並渡河奪  
破卡隘進敗靈臺庵等處賊營一律掃蕩尋甸州城業經官軍緊營  
環攻著劉嶽昭卽督飭在營將士將此城迅速攻拔毋稍濡滯至  
省垣爲根本重地被圍日久岑毓英固當督兵勦賊速解城圍劉  
嶽昭身任疆寄亦豈能專顧一隅置省垣重地於不顧著卽慄遵  
前旨督飭所部兵勇前赴省垣會剿將圍城賊匪迅行殄滅不得  
專諉諸岑毓英一人儻遲回覩望貽誤事機恐該督不能當此重  
咎也川省按月應解滇餉銀三萬兩至今五月僅止補解前次協  
餉銀一萬兩滇省軍務正當喫緊之時崇實當按月如數撥解源  
源接濟不得稍存膜視並著飭令川省藩司會同劉嶽昭所派道  
員馮崑辦理滇省駐川捐局事務以資接濟滇營需用火器著曾

國藩就近委員赴上海代爲採買應需價銀卽由江甯藩庫籌款先爲墊給仍由滇省撥還歸款滇省記名提鎮人員中如有曉暢戎機勤於訓練能實力實心整頓營伍者著劉繼昭岑毓英出具切實考語據實奏聞以備錄用將此由五百里各諭令知之○以景其濬爲內閣學士由詹事遷童華爲左副都御史由大理寺卿遷○戊辰諭

軍機大臣等戶部奏吉林請開圍荒宜防流弊並厯年報墾尙未升科地畝及欠交租項請飭查追一摺吉林圍場原爲長養牲畜以備狩獵之用設堆置卡封禁甚嚴乃該處游民借開荒之名偷越禁地私獵藏牲斬伐樹木迫林木牲畜旣盡又復竄而之他有招佃之虛名無徵租之實效數百年封禁之地利遂至蕩然無存卽如景綸前於咸豐十一年奏稱尙有圍場二十一處而此次富明阿奏稱該處南北十七八里東西八十餘里皆無樹藏牲其爲

游佃偷越已可概見此次該將軍辦理開墾事宜自當嚴防流弊  
卽著親往履勘嚴定界限毋任委員作弊並將新墾各地造具畝  
數四至佃戶花名清冊以及如何那移卡倫添設封堆暨布置員  
弁逐處巡查各事宜詳細妥籌迅行覆奏以杜弊端其前任將軍  
景綸奏請開墾夾信溝涼水泉荒地二十五萬餘晌見有佃認領  
徵租者十三萬晌零未報升科地尙有十二萬晌續墾之土門子  
並省西圍場阿勒楚喀等處地畝共三十萬晌應交押荒地捐兩  
項錢文共一百二萬餘串除交過錢六十二萬餘串尙有未交錢  
四十萬串其交過押租地畝既有佃戶認領何以僅將雙城堡佃  
戶認領地三萬三千一百六十晌零造具花名清冊而其餘十四  
萬八千二百餘晌遲延不報至此外未交押租地十一萬餘晌何  
以數年之久並不招人承領著富明阿確切查明將土門子等處

已交押租之佃戶道具清冊迅速送部並追出歷年地租錢文以充兵餉其餘土門子等處未交押租並夾信溝涼水泉未報升科地畝卽著詳細履勘予限一年招佃認領按晌升科母再延宕僥幸有已墾未報及認多報少情弊並著從嚴參辦以昭覈實將此諭令知之○諭成祿奏肅軍接仗情形請飭催總兵帶隊會剿一摺肅州踞匪經楊占鰲馬天祥等連番勦擊已形窮蹙惟該城西面尙屬空虛必須厚集兵力四面急攻方能得手總兵陶生林所統十營見仍畱駐涼州該提督以攻剿正亟飭催該軍赴肅州會剿自應迅速抽調規復堅城著穆圖善卽將陶生林一軍分出五營畱在涼州護送省糧其餘五營令該總兵親身統帶前赴肅州母稍延緩成祿於此軍到後並著率同楊占鰲等會合環攻將該城迅圖克復不得以賊匪拌命抗拒藉詞耽延成祿另片奏部署

出關請飭戶部指撥銀兩並山東等省滙解鉛丸火藥暨請飭穆  
國善派定糧臺等語著戶部於山西河東湖北等處欠解新疆協  
餉項下議定指撥銀一二十萬兩以資周轉其前撥山東山西湖  
北河南陝西按月協濟之鉛丸火藥並著戶部咨令各該省解交  
山西藩庫以便該提督委員赴歸化城提取成祿統軍出關應由  
何路安設糧臺著穆圖善先期派定所需車馬駝隻等項並著飭  
知該省軍需局妥議章程隨時接濟以利師行該提督仍當懔遵  
數次諭旨迅復肅城整軍西向毋藉口於餉絀兵單觀望遷延自  
干咎戾將此由六百里各諭令知之○命曾國藩籌款堵築榮工  
○予甘肅陣亡遊擊鄧德祥等祭葬世職○己巳諭軍機大臣等  
奏茲據奏稱擬由各海關六成鹽稅內湊撥銀一百萬兩爲該督  
前因左宗棠奏請議撥實餉當諭令軍機大臣會同戶部速議具

西征軍餉並由該督酌量協濟甘省等語著曾國藩馬新貽丁曰昌於江海關撥銀五十萬兩英桂於閩海關撥銀二十萬兩郭柏蔭何璟於江漢關撥銀十五萬兩師曾於粵海關撥銀十萬兩李瀚章於浙海關撥銀五萬兩各該將軍督撫監督等務當迅速如數解往以濟要需廣東福建浙江湖北江蘇五省每月共計協撥左宗棠餉銀十九萬兩扣至本年十一月止月餉全行扣抵借款著各該督撫等自本年十二月起各照原撥數目按月協濟此外山東山西河南湖南四川江西河東等處每月共計協撥左宗棠餉銀十萬三千五百兩各該督撫等尤當按照奏撥之數源源報解左宗棠返旆西征需餉極爲迫切該將軍督撫監督等其各竭力籌措星速解交以維大局其河南陝西湖北湖南四川江蘇江西山東山西等九省協撥穆圖善餉銀每月共計十二萬八千餘

兩著該督撫等各按原撥數目趕緊籌解甘省糧餉兩缺兵勇困苦難堪該督撫等毋得視甘餉爲緩圖以致飢軍譁潰貽誤戎機左宗棠前奏借洋商銀一百二十萬兩及續借續撥各海關銀二百萬兩曾據左宗棠奏此項銀兩陸續解到陝甘時均勻分支見在已支若干尚存若干著左宗棠查明具奏陝甘專請協餉之營尚有數處應如何歸併支發及該督軍餉究竟每月實需若干著左宗棠統籌全局奏明辦理前據御史吳鼎元奏請裁併釐局等語各省釐局爲接濟軍需而設勢難遽議裁撤如有分設局卡較多之處亦應量爲裁併著瑞麟李福泰李瀚章劉坤一斟酌情形辦理至局員局紳網利侵漁等弊尤須嚴加查覈務令涓滴歸公母任中飽原片著鈔給瑞麟李福泰李瀚章劉坤一閩看廣東浙江江西記名提鎮人員中如有曉暢戎機長於訓練能實心實力

整頓營務者著瑞麟李福泰李瀚章劉坤一悉心查察出具切實考語隨時奏聞候旨錄用將此由六百里諭知左宗棠曾國藩馬新貽丁日昌鄭敦謹穆圖善崇實吳棠英桂卞寶第瑞麟李福泰郭柏蔭劉峴李瀚章劉坤一丁寶楨李鶴年劉典並傳諭何璟師曾知之○予湖北陣亡參將周祿等祭葬世職並廣東殉難知縣李福培建祠○庚午諭鄭敦謹布置黃河冬防飭總兵官馬陸於沿河一帶添兵駐守○辛未諭軍機大臣等穆圖善奏請飭金順專辦援陝軍務等情一摺金順由甯夏督兵馳赴定邊進援陝省北路所有駐紮延安之英禮等營並甯夏花馬池各營及吉林黑龍江馬隊與金順所帶之隊向歸該署將軍調遣著卽將甘省北路援陝各軍妥爲籌布與陝省防勦之師互相策應以期聯爲一氣一應軍情及催辦糧餉事務均由金順隨時奏報左宗棠庫克

吉泰劉典當督飭陝軍與金順所統甘軍互爲聲援將延榆一帶  
賊匪合力會剿不可稍分畛域甘省中衛縣屬之甯安堡路通鹽  
固慶陽時處陝匪竄越清水營地方亦時有竄匪滋擾均宜駐兵  
扼勦不可輕於移調穆圖善見駐蘭州距甯夏較遠所有甯夏府  
屬各路軍務並著金順就近兼顧應辦事件卽與豐紳會銜具奏  
甯安堡所駐責字三營需用糧餉並著金順分撥接濟穆圖善亦  
應於協濟甯夏軍餉內隨時勦捕毋得稍涉推諉儘先協領富勒  
渾記名副都統托克屯著穆圖善遵奉前旨查明該二員見在何  
處軍營迅飭來京聽候諭旨將此由五百里各諭令知之○子湖  
北殉難同知王本立建祠○王申諭軍機大臣等曾璧光奏黔軍  
攻拔王卡川師收復玉華山等處及甕安縣城一摺黔省王卡踞  
匪經該撫督飭唐天佑進攻勦撫兼施當將王卡克復在事出力

人員准曾璧光擇尤保奏毋許冒濫至克復轎頂山尙大坪等處前已據崇實奏報情形大略相同曾璧光當檄飭兵勇會合川軍節節埽蕩迅殄逆氛張文德見由貴定進勦著曾璧光卽飭該署提督實力按捕務將潘逆迅圖擒獲以絕根株並一面分軍進規麻哈等處俾牽賊勢黔省事機極爲順手亟盼添軍協助席寶田假期已滿著劉峴催令統率所部從清江台拱等處西上剋日進攻毋再遷延觀望克復平越州城詳細情形曾璧光迅卽查明具奏將此由六百里各諭令知之○甲戌諭軍機大臣等吳坤修奏豫省黃水漫口下注淹及皖境情形一摺豫省榮工漫水見已下注皖省之潁壽一帶潁郡所屬地方一片汪洋已成澤國勢必由洪澤湖下注高寶維揚一帶亦慮被災見在淮揚通泰等處有無被水情形著曾國藩張之萬丁日昌趕緊查明具奏應如何分洩

湖河水道以殺水勢之處並著豫籌辦理馬新貽計可行抵江境  
著俟到任後會同曾國藩等迅速籌辦潁壽一帶被災地方著吳  
坤修卽行查明妥爲撫恤該處向爲捻匪出沒之區現在投誠降  
眾已歸皖省並著吳坤修妥籌駕馭任與災民句結滋事勇丁  
如何分別撤畱分紮何處著曾國藩馬新貽吳坤修熟籌辦理豫  
境被淹究係何處災黎是否安貼著李鵠年趕緊查奏撫恤一面  
彈壓奸宄毋任滋事榮工漫口有無掣動全濬情形見距霜降節  
候已近自應趕籌堵禦以杜水患辦理情形若何並著蘇廷魁李  
鵠年隨時具奏以慰屢念將此由六百里諭知曾國藩馬新貽張  
之萬蘇廷魁丁日昌李鵠年並傳諭吳坤修知之○諭崇實奏訊  
取匪首確供正法鈔錄供詞呈覽一摺教匪首犯劉儀順習教傳  
徒謀反倡亂秦恩惠相助爲逆受其僞職經官軍擒獲解送成都

省城崇實親提研訊供認謀逆不諱該二犯罪大惡極業經凌遲死傳首倡亂地方以昭炯戒該犯劉儀順供稱由湖南寶慶遷居四川宜賓又有四川豐都人徐大川等代爲傳教是其醜類散布實繁有徒若不悉數殲除誠恐死灰復然致貽後患仍著崇實督飭所屬嚴密捕拏毋任漏網至所供兩湖江西浙江河南山東廣西雲貴陝甘等省皆有黨與互相勾結此時首逆既誅人心涣散亟應乘時速爲翦滅免致散而復聚著左宗棠等按照該逆犯所供情節並各人犯住址姓名嚴飭所屬認真搜緝不得含混了事致畱亂萌供詞著各鈔給閱看將此諭知左宗棠崇實穆圖善劉嶽昭郭柏蔭丁寶楨李鶴年李瀚章劉坤一劉峴蘇鳳文岑毓英曾璧光劉典並傳諭何璟知之○是月蠲緩直隸霸州等三州縣被水新舊額賦旗租山東臨清等八州縣暨德州等三衛被水

被覆被擾新舊額賦雜課緩徵廣東鎮平縣被擾同治六年額賦  
九月丙子以恭送 孝淑睿皇后 孝和睿皇后 宣宗成皇帝  
孝穆成皇后 孝慎成皇后 孝全成皇后 孝靜成皇后

文宗顯皇帝 孝德顯皇后 冊 寶尊藏盛京 上諱 太廟

恭閱行禮○以陝回滋擾諭李鶴年飭提督馬德昭赴潼關防勦

○廣浙江嘉興紹興二府學額各十名甯波六名太平縣六名嘉  
興永嘉各五名秀水嘉善桐鄉德清各四名定海海甯海鹽諸暨

上虞平陽各三名餘杭平湖石門象山臨海義烏各二名餘姚黃

巖天台樂清瑞安泰順麗水各一名○己卯允奕榕奏畱奉省防

勇調遣○飭山東山西撥解成祿軍餉○辛巳署安徽巡撫英翰

奏督飭凱旋諸軍馳抵潁州妥籌畱防及善後事宜得旨頴壽一

帶被災地方著吳坤修派員查明妥爲撫恤至挑選勇丁一萬二

千人著英翰吳坤修督飭張得勝等統率所部分要扼繁俾資鎮撫所餘應撤之二萬人著陸續資遣妥慎安插郭寶昌傷既未愈並傳諭安心調理一俟痊可卽添帶精銳一二千人剋日西行以資得力○以鄭錫瀛爲左副都御史由宗人府丞遷○壬午諭軍機大臣等穆圖善奏覆陳官軍克復慶陽郡城並甯州失守情形暨庫克吉泰劉典奏請飭山西撥解餉銀護送軍火各摺片慶陽甫經克復著穆圖善嚴飭在事各員責力防範並將善後事宜妥籌辦理毋稍疏忽甯州賊氛正熾又有赴涇州南原分竄汧隴邠長之說當正綰旣難分兵甘省見駐各營亦難抽調著左宗棠庫克吉泰劉典酌檄各軍會同雷正綰兩面夾擊迅將甯州城池克復毋任賊匪久踞黃鼎一軍見駐邠州能否移營進剿並著該大臣等妥籌辦理晉省按月應解陝西軍餉銀一萬五千兩自上年十一

月以後屢有短絀並未照原定數目報解陝省前借洋稅見將用盡軍營支款短絀需餉甚急著鄭敦謹仍照前定數目每月解銀一萬五千兩以一萬兩解交左宗棠軍營五千兩解交庫克吉泰軍營不得再有短絀致誤要需其從前欠解之項仍著鄭敦謹分起補足搭解以資接濟左宗棠庫克吉泰於晉餉解到時亦當撙節支放毋稍虛糜陝省北山一帶土匪甚多道途梗阻所有駐紮榆林綏德各軍餉銀軍火等項仍須繞由山西解往著鄭敦謹飭令所屬各地方官遇有陝省解往榆綏餉銀軍火過境時照例供支護送劉典仍當揀派妥員押解以昭慎重再行軍必先熟悉地勢著左宗棠穆圖善劉典將各該省駐兵及有賊處所詳細繪圖具奏將此由六百里各諭令知之○予甘肅陣亡總兵官沈大興陝西殉難知縣劉蕃昌等祭葬世職並山東殉難知縣周毓楠建

祠○癸未諭內閣前因布倫托海地方變亂李雲麟辦理乖謬降旨將該員革職交福濟等查辦茲據福濟錫綸查明具奏李雲麟因幫辦新疆軍務輒行招集古城一帶民勇至科布多地方聽調不能斟酌情形慎之於始旋因人數眾多大半遣回該民勇等遠道跋涉身受飢寒不知體恤大失眾心迨調任布倫托海辦事大臣平日毫無防範致前項民勇在該處造言煽惑滋生事端又不能彈壓地方設法解散種種貽誤咎實難辭已革布倫托海辦事大臣李雲麟著刑部將該革員應得罪名定擬具奏並著福濟錫綸飭令該革員迅卽來京聽候部議○諭軍機大臣等麟興等奏探聞變亂難民退至布倫托海一帶明瑤棍噶扎勒參奏難民滋蔓籌備進剿明瑤奏請簡派大臣督同辦理請將李雲麟暫緩查辦棍噶扎勒參奏請赴甘肅軍營效力各摺片布倫托海變民自

竄往青格里一帶後日漸賜張亟應妥籌進剿見在棍噶扎勒參  
在阿勒台山挑選蒙兵喇嘛立營成軍著福濟錫綸卽行馳赴該  
處會同棍噶扎勒參督率官兵迅籌進剿母任日久蔓延愈難了  
局厄魯特等人眾亦應妥籌安插需用經費銀十萬兩著戶部速  
議具奏所調烏城馬匹著麟興卽行備齊解交棍噶扎勒參應用  
該呼圖克圖向稱奮勇此時布倫托海賊匪滋擾正在需人剿辦  
之際自當勉力圖報豈可置身事外所請赴甘省軍營之處殊屬  
非是著不准行賊匪襲脅漸多難保不復思東竄刻下內地捻匪  
雖已蕩平而陝甘軍事方殷尙資兵力東三省馬隊勢難遠調出  
關所有烏科兩城防守事宜著麟興榮全錦丕勒多爾濟奎昌明  
瑤督率兵民妥慎籌備以固邊圉李雲麟旣因辦理不善致滋變  
亂厥咎甚重豈可復令任事明瑞棍噶扎勒參請令該革員辦理

後應及會同麟興督辦之處均毋庸議將此由六百里各諭令知之○予故湖南提督楊鼎勳建祠○甲申諭軍機大臣等文麟奏擇期馳赴哈密並請飭巴里坤興辦屯田各摺片肅州賊匪竄擾安西旋攻撲敦煌城垣經該城防守員弁將賊擊退復經文麟派員追剿獲勝賊匪遁回肅州敦煌軍事已鬆文麟著卽剋日起程馳赴哈密將該處撫綏防剿各事宜悉心籌辦以固邊圉毋再遷延于咎安敦玉三處爲哈密糧餉所關難保肅州踞匪不再來肆擾著景廉嚴飭在防將弁實力堵勦文麟亦當與景廉隨事咨商以期兼顧所有軍糧轉運章程並著妥籌具奏安敦玉三城奉檄巴里坤兵糧無可籌措自係實在情形惟巴城待餉孔殷所有敦煌縣欠解巴城之糧三千石仍著文麟飭催速解安玉二處能否通融協濟文麟當通籌全局斟酌辦理惟巴城專待外來糧餉終

恐拮據該城旣向有屯田地畝又有逆回遺業亟應就地開墾屯  
田以盡地利而濟兵食卽著伊勒屯何琯熟籌興辦母得畏難苟  
安坐以待食已革副將蕭青雲係戴罪效力之員乃仍不知愧奮  
經文麟派員押解輒敢聞風逃遁實屬怙惡不悛卽著文麟咨行  
各處嚴緝務獲正法以昭炯戒將此由六百里諭知文麟景廉伊  
勒屯並傳諭何琯知之○乙酉諭軍機大臣等庫克吉泰劉典奏  
官兵擊退董志原回逆及北山土匪一摺提督劉端冕等軍在郎  
州羊圈等處追勦董志原回逆連獲勝仗其竄擾延川土匪亦經  
劉厚基等擊退前據穆圖善奏甯州賊匪又有赴涇州南坂分竄  
汧隴邠長之說已諭左宗棠等酌撥各軍會同雷正綱夾擊並令  
黃鼎移營進剿諒經妥籌辦理逆酋馬新元等見雖竄退董志原  
而糧盡勢窮意在竄踞長武三水飽掠秋糧分途肆擾北山山路

紛歧土匪又復齎聚若不痛加勦洗則回逆土匪四面沓來必致乘機東犯仍著左宗棠庫克吉泰劉典檄飭劉端冕等軍分投勦擊將各逆逐漸殲除毋稍鬆勁據報回股竄踞靈臺地境擾及汧麟另股至宜君地界張岳齡等軍戰狀何似並著飭令該臬司等互相策應以期痛埽逆氛肅清陝境將此由六百里各諭令知之

○諭崇實奏川軍攻克苗寨會同黔軍收復平越州城一摺官軍自攻拔尙大坪賊巢後僞苗王楊阿九糾約苗黨於牛場祿山砦等處結寨抗拒道員唐炯飭降人莫掄才隨黔軍乘間入據平越州城提督劉鶴齡知府鄧錡派兵勦擊屢次獲勝陣斬僞苗王楊阿九賊棄祁山竄竄去其牛場烏雲山賊寨亦經劉鶴齡及總兵何行保等先後攻拔勦辦均屬得手卽著崇實督飭唐炯等乘此聲威山牛場上塘進規平黃平兩城回擊都勦麻哈以收破竹

之勢安平安順尙有號匪餘黨及潰散黔勇爲害亟應及早殲盡  
以絕根株並著崇實檄飭提督陳希祥成耀星等力圖埽蕩毋令  
餘燼復然見在黔省軍事日有起色尤宜通力合作用竟全功前  
有旨令劉峴催席寶田出<sub>青</sub>江台拱西上進攻卽著嚴檄該臬司  
剋日拔隊毋得遷延貽<sub>望</sub>曾<sub>益</sub>光亦當檄飭黔軍分道會合兜擊  
以期全境廓清並將收布平<sub>越</sub>州城詳細情形迅查具奏再行軍  
必須熟悉地勢著留璧<sub>之</sub>將<sub>黔</sub>省進兵道路及賊匪盤踞處所繪  
圖呈覽將此山六百里冬諭令知之○予陝西陣亡總兵官李大  
有副將謝英才等祭葬世<sub>瑞</sub>○丙戌諭軍機大臣等劉峴奏籌畫  
進剿黔苗機宜並請飭檄餉需一摺黔楚交界之區苗寨林立自  
應會合各省兵力分道並進方可收夾擊之效席寶田已假滿抵  
省著劉峴飭令該臬司懔遵前旨剋日拔隊會商唐炯張文德等

相機進剿毋稍遷延該撫所稱湖南見兵二萬餘人剿苗不敷分  
布必須添募十餘營方可大舉深入所奏自係實在情形惟餉糈  
支绌增兵則力不能給尤賴各省協濟方克集事江南湖北兩省  
著每月各協濟湖南援黔軍餉銀二萬兩湖南督銷局原應解江  
南鹽課釐金即可就近撥解湖南又督銷局有鄂釐一款湖北協  
濟湖南之款亦可於此項內劃撥所有不敷之數再由各該省委  
解設此兩項內尙有贏餘仍由督銷局分解各省一轉移間兩有  
裨益卽著曾國藩馬新貽郭柏蔭何璟遵照辦理見在捻逆肅清  
亟盼貴州軍務早平進圖滇省以清南服各該督撫等素顧大局  
諒必合力同心膺功迅奏也將此由五百里諭知曾國藩馬新貽  
郭柏蔭劉岷並傳諭何璟知之○嚴諭各省督撫命盜重案及京  
控發交案件依限完結○丁亥諭軍機大臣等金順奏進紮榆林

連日獲勝並籌保完區一摺金順於七月十三日馳抵榆林督飭  
官軍進剿截擊綏德州竄匪大獲勝仗追至雙廟灣巡檢司一帶  
敗匪不及入巢紛紛西竄復經我軍將周家嶮等處賊巢蹋毀金  
順甫抵榆境卽能蹋壘焚巢所向克捷寶屬謀勇兼備仍著該副  
都統督率所部會合陝省官軍將北山一帶土回各匪節節掃蕩  
迅殄逆氛庫克吉泰劉典務當檄飭各營與金順之軍聯絡聲援  
視賊所向實力殲除毋令竄近晉邊擾及完善花定甯條梁等處  
賊匪雖經擊退難保不復圖窺伺著金順檄飭富勒琿等嚴密防  
範毋稍疏虞陝省剿匪事宜極爲喫緊亟盼左宗棠前往迅籌減  
賊之方該大臣當督帶兵勇星速西行力圖剿洗以副委任前諭  
穆圖善飭令富勒琿來京茲據金順奏該協領在花定一帶防堵  
該處防務如有可以接替之人著金順另派妥員接辦卽飭富勒

璉迅速來京將此由六百里各諭令知之○諭李鴻章勘估湖北江陵隄工○戊子諭軍機大臣等本日據軍機大臣呈遞棍噶扎勒參來咨內稱布倫托海賊勢猖獗烏科兩城豫籌防堵恐致虛耗款項可否將防兵挑派精壯各五百名其烏城之兵責成錦不勒多爾濟管帶科城之兵分責棍布扎普管帶該呼圖克圖請另調土爾扈特三旗之兵會齊進剿以爲三路進兵使賊內變之計布倫托海叛民見竄青格里一帶烏科兩城應防應剿及由何路進兵卽能撲滅之處麟興等諒已熟籌茲覽該呼圖克圖所陳是否可採著麟興榮全錦不勒多爾濟奎昌明瑤福濟錫綸妥商辦理以期兵歸實用迅殄逆氛棍噶扎勒參打仗素稱奮勇前調烏城馬匹卽著麟興等趕緊備齊解交以資進剿福濟錫綸此時計抵布倫托海著會同該呼圖克圖督率官兵相機奮擊毋任該逆

愈聚愈多致滋延蔓烏科兩城仍著麟興榮全錦不勒多爾濟奎  
昌明瑤慎籌防範毋稍疏虞棍鳴扎勒參原文均著鈔給閱看嗣  
後該呼圖克圖遇有應行條陳事宜卽咨明該將軍大臣等附報  
代遞著福濟錫綸傳知該呼圖克圖欽遵辦理毋得時發咨文以  
符體制將此由五百里各諭令知之○己丑有流星犯織女大如  
扇○諭軍機大臣等鄭敦謹奏通籌河防分認汛地並請飭催鄰  
軍到防暨西河沿岸卡壘工竣繪圖呈覽各摺晉省西路逼近陝  
疆在在均須堵禦見由鄭敦謹通籌沿河各防責令分認汛地以  
資巡守惟本年節氣較早西河中路之鄉吉北路之河保冰橋早  
結尤爲各防中最要之區卽著照該署撫所請由李鶴年檄飭張  
曜一軍於汾州府境擇要駐紮宋慶一軍由晉入陝扼紮榆林爲  
晉省西北路屏蔽所需軍火仍由豫省撥解豫工正值喫緊籌運

一切恐難依時如該軍遇有缺乏鄭敦謹務當設法接濟以贍鄰軍毋得稍存畛域並著鄭敦謹嚴飭王巨孝閻文忠陳必有等軍於河保以南分段梭巡不得恃有客兵稍涉疏懈晉省黃河每於大雪前後冰橋凝結著李鶴年催令張曜宋慶均乘河冰未沴之先督隊入晉以便詳勘地勢籌備設防庶不至臨時失措口外地方遼闊著定安桂成杜嘎爾率同馬陞酌度情形增調滿漢官兵隨機布置用壯聲威其西河沿岸卡壘修建既已歲事則兵勇有險可憑不至毫無把握著鄭敦謹嚴檄各軍督率兵勇加意防範圖畱覽另片奏請令陳湜暫緩交卸臬篆並免發遣等語已革臬司陳湜獲咎較重且係發遣之員何得仍畱臬司之任該署撫仍當懔遵前旨派員署理臬篆所請免其發遣之處著不准行將此由五百里各諭令知之○辛卯諭內閣彭玉麟奏回籍起程日期

各招片據稱水師分汛各事宜俟交代清楚明春再行起程將來  
到家後遇有緊要事件儘可東赴江皖商榷料理等語覽奏具見  
憫忱前因彭玉麟奏請終制情詞出於至誠是以准予開缺回籍  
補行守制以遂孝思嗣念長江水師營制初定曾國藩調任直隸  
總督仍須該侍郎始終經理方為妥善是以諭令於守制百日後  
迅赴江皖地方扼要駐紮並不界以員缺實於責成之中仍寓體  
恤之意茲覽該侍郎所陳各節籌畫雖極周密而相距較遠深恐  
呼應不靈且責任不專亦不足以資統攝著該侍郎將水師分汛  
各事宜布置周妥明春再行回籍一俟百日期滿即著懔遵前旨  
迅赴江皖擇地駐紮用資控制以副朝廷廑念江防曲體重臣至  
意諒該侍郎素矢公忠必不至再行演請置身事外也○諭軍機  
大臣等曾國藩奏新造輪船工竣並陳上海機器局籌辦情形及

請獎上海通商委員各摺片中國試造輪船事屬剏始曾國藩獨能不動聲色從容集事將第一號輪船成造據稱堅緻靈便可涉重洋此後漸推漸精即可續造暗輪大艦並陳製器設廠及添建驛館各情形足見能任事者舉重若輕深堪嘉尙馬新貽計抵新任即可會同丁日昌按照曾國藩李鴻章籌辦規模悉心講求以期周妥設局以來各該委員等均屬著有微勞所有尤爲出力各員准由曾國藩會商李鴻章馬新貽丁日昌酌量奏保其上海通商委員辦理洋務亦臻妥協並著曾國藩等擇尤請獎以示鼓勵將此由四百里各諭令知之○命延煦等迅速出關查辦奉天展邊事宜○王辰諭軍機大臣等曾璧光奏官軍克復平越州城暨署提督請假派員暫護提篆各摺片逆首金大五與清黃苗匪勾結久踞平越州城經遊擊唐天佑督同孔茂槐等攻破各門四面

掩殺該匪奪路奔竄當將州城克復此次官軍於收復王卡後兼  
克堅城勦辦尙屬得力所有在事出力員弁紳團著曾璧光擇尤  
彙案保獎母許國濫惟該城與清平麻哈爲鄰守禦極關緊要該  
撫當嚴飭馬樹清會同唐天佑將善後事宜悉心籌辦母稍疏虞  
並一面咨令唐炯將平越未投各寨協同勦撫以期一勞永逸署  
提督張文德傷病旣稱屬實著准其回籍調治因便葬親以示體  
恤黔省軍事見正得手著傳知該署提督於回籍後趕緊料理仍  
馳回貴定一帶督軍進剿母庸泥定三箇月假期藉詞延宕所有  
貴州提督篆務卽著林從太暫行護理督飭各軍安慎進取母稍  
鬆勁將此由五百里諭令知之○癸巳諭軍機大臣等岑毓英奏  
官軍攻克州縣城池及各路剿賊獲勝一摺廸西逆匪竄撲滇省  
疊陷府州縣城多處經岑毓英督派各軍分道進剿張保和岑毓

寶等擊退省城竄賊何秀林梁士偉等進逼晉甯登城搏戰復經  
馬忠岑毓寶等由歸化會合兜勦攻克賊壘甚多擒斬逆僞大將軍  
馬平岑毓英親督官軍攻克呈貢斃賊三千餘名陣斬逆酋馬開  
義等四十七名田仲興一軍勦辦新興賊匪將該州之上四鄉全  
行收復僅餘孤城一座馬宗龍等進勦馬街踞賊殲擒殆盡陣斬  
逆首僞大將軍等將馬街土城收復勦辦均屬奮勉所有此次攻  
拔晉甯呈貢並前克復武定祿勸元謀等城出力員弁著岑毓英  
會同劉嶽昭擇尤彙奏請獎母許冒溢劉嶽昭見駐曲靖著即將  
滇省後路布置穩固督飭李家福等由尋甸節節埽蕩而前與岑  
毓英諸軍會合勦洗相機移軍前進母事株守滇省糧路已通事  
機較順岑毓英務當乘勝進規澂江昆陽以次進復各城母稍鬆  
勁並咨令馬如龍及在省司道等將省防密布嚴詰內奸邵甸新

興之賊仍責令岑毓寶田仲興等迅圖殄滅竄撲武定等處賊匪  
尙眾並飭楊玉科等痛勦迅將羅次規復馬街土城卽著空毀以  
清後患晉甯等處有無餘匪並著派軍搜捕再行軍必先熟諳地  
勢著劉嶽昭岑毓英將滇省各處進兵道路及賊匪竊踞地方詳  
細繪圖呈覽將此由六百里各諭令知之○予安徽陣亡同知左  
紹登雲南陣亡遊擊金長壽等祭葬世職○甲午諭軍機大臣等  
前因明瑤奏籌備經費安插難民請飭部撥銀兩當經降旨交戶  
部速議具奏茲據戶部奏請籌撥部款暨飭催各省欠解銀兩等  
語布倫托海亂民亟應及早勦辦該部因需項緊急恐外省協撥  
稽遲請在部庫撥銀十萬兩自係爲慎重邊防起見卽著戶部撥  
庫銀十萬兩由順天府迅速委員解往綏遠城接解烏里雅蘇台  
遞解科布多轉解福濟等兌收以爲布倫托海勦匪及賑卹等項

之用沿途經過地方不得稍有稽延截畱致誤要需福濟等卽派員迎提以期妥速並著懔遵前旨將變民認眞勦洗不得再以烏城解馬遲延等詞藉口推諉致亂民愈集愈多迄無了局其各項難民亦當妥籌安插毋稍疏失其安置伊犁索倫人眾前經榮全奏撥庫銀二萬兩戶部業已撥解俟此項到時卽著榮全等會商將伊犁避難索倫官兵眷口酌量接濟並妥籌安插毋稍疏虞福濟等卽咨商榮全並傳知棍噶扎勒參欽遵辦理至明瑤所稱布倫托海新城一切經費及進剿軍餉並官兵應支鹽糧俸銀共約需數十萬兩見在布倫托海已復塔城舊制母庸另設新城各項需費諒亦無多惟念該處事機正關緊要不得不寬備餉需以期應手著鄭敦謹於山西欠解新疆月餉項下提撥銀四萬兩丁寶楨於山東欠解新疆餉項下提撥銀四萬兩李鵠年於河南欠解

新疆飢項下提撥銀二萬兩查照部撥庫銀遞解章程解交福濟等分別緩急斟酌動用毋稍虛糜嗣後該城一切經費盈絀由該辦事大臣等隨時覈實具奏不得紛紛各請撥餉以歸畫一將此由六百里各諭令知之○撥部庫銀十萬兩解科布多充餉○乙未諭軍機大臣等榮全等奏差往俄國辦事章京中途被阻並派員接應索倫人眾各一摺章京薩碧屯等奉差前往俄國斜米辦事行至烏克克卡倫被坐卡蒙古人等阻止並聚眾喧鬧打破帳房覽奏各節實出情理之外榮全等以該蒙古人等性素愚頑未便遽行查辦固是權宜辦法然似此聚眾逞強藐視國法亦不可不加以懲儆著榮全會同麟興錦丕勒多爾濟奎昌明瑤嚴諭該部落所管官員等令其剴切開導將滋事之蒙古人等量予懲辦固不可操之太熾激成事端亦不得一味姑容致長刁風至所奏

擬撤去八卡官兵將昌吉斯臺霍呢邁拉扈兩卡侍衛暫行移入  
烏克克附近駐守等語邊界所設卡倫關繫綦重見在分界未定  
若遽將卡倫移撤恐俄人得步進步易滋口實榮全等務當熟籌  
妥商如於分界之事尙無窒礙即可照擬辦理斜米等處應辦之  
事亦宜早爲了結卽著飭令該章京等由庫倫取道恰克圖迅速  
馳往辦理毋稍遲誤其由俄境旋回之索倫部落人眾見旣行抵  
雅爾玉爾地方卽著福濟錫綸派員會同榮全派出之員設法接  
應並遵前旨俟戶部撥款二萬兩解到後酌量接濟妥籌安插將  
此由五百里各諭令知之○賞普濟堂功德林賑米八百石○丙  
申諭軍機大臣等曾國藩等奏榮工漫水漸入洪湖會籌堵禦一  
擗洪湖水勢自九月初二日後逐日加長淮河入湖一段每多淤  
沙騰起漫水業已南趨運河東西隄情形極屬喫重卽著曾國藩

馬新貽張之萬丁日昌會同商酌寬籌款項迅將東隄滲脫處所  
培築堅固並將西隄各段最要工程趕緊興辦沿隄各腦洞民工  
近多殘缺並嚴飭各州縣督飭紳董作速補砌毋許藉端滋擾其  
張福口引河碎石河等處應否再加挑濬以資分洩並著妥籌辦  
理蘇廷魁李鶴年務當懔遵前旨將榮工亟籌堵合戶部撥款四  
十萬兩計應解到卽著多備料物剋日興工務於年內歲事轉瞬  
春水發生恐堵築更爲棘手儻該署河督等稍涉迂緩以鄰爲壑  
致裏下河等處完善之區被水浸灌恐不能當此重咎也其部撥  
河南及各省之五十萬兩仍著蘇廷魁等飛速催提毋誤要需黃  
河改道及舊黃河並運河各腦壩情形著張之萬蘇廷魁分別詳  
細繪圖貼說具奏將此由五百里各諭令知之○諭崇實奏進勦  
冕甯夷匪疊勝建南大路暢行見會勦西昌交腳夷巢一摺建南

大路因夷匪橫行久絕行旅提督周達武總兵李有恆丁永陞等  
由冕甯督隊進攻將阿禹各支及界木大小馬廠等處夷堡先後  
焚毀並攻破東山寺山腰夷巢斃賊甚多建南道路一律疏通見  
會合大兵進駐西昌縣境爲偏攻交腳夷巢之計勦辦甚屬得手  
交腳老巢地險夷悍非痛加剿洗不能盡拔根株著崇實吳棠仍  
飭周達武等乘此聲威四面邀擊以期擒退帰穴用竟全功建南  
善後事宜卽著嚴飭該處地方文武悉心經理其投誠之大小部  
落及交出被擄漢人並著檄飭在事各員妥籌安插毋令別生事  
端將此由五百里各諭令知之○哈密幫辦大臣景廉奏暫畱安  
西辦理防守催運事宜並肅逆出關竄擾邀擊獲勝得旨該大臣  
卽會同文麟查明彙案奏請獎卹並著督飭各地方官及各糧臺

設法催運以濟前敵毋稍鬆勁○丁酉予安徽陣亡遊擊何朝亮  
湖北殉難知府易容之建祠○戊戌諭軍機大臣等玉通奏漢回  
構怨日深請飭穆圖善迅赴西甯籌辦及阿家呼圖克圖出口句  
結野番各招片西甯回眾滋事以來屢與漢團構釁近則十大莊  
等處不法回眾勾致撒拉各回焚掠沙塘川一帶兇焰頗張復因  
阿家呼圖克圖與之結怨攻屠漢團大肆殺戮情形狂悖已極玉  
通見在親身勸解責令兩造母再仇殺但須確有把握俾漢回稍  
息爭端不得一味姑息致該回眾愈撫愈驕玉通當咨商穆圖善  
妥爲籌辦該處難民招撫既有頭緒著玉通設法撫卹以安眾心  
西甯地方變亂若此一切勦撫事宜亟應認真整頓著穆圖善妥  
籌兼顧相機辦理阿家呼圖克圖未能保護地方致寺院燒毀多  
處復潛行出口句結野番欲與回眾報復該野番犬羊成性易生

事端著穆圖善玉通傳知該呼圖克圖迅卽回寺梵修毋許冒昧從事致貽後患將此由五百里各諭令知之○諭總理各國事務衙門奏豫蘇閩等省見辦傳教各案中外未能相安一摺據稱河南省南陽教堂一案民人傳帖聚眾其勢洶洶江蘇揚州聚眾殴辱教士曾國藩咨報訊辦稱有頭緒臺灣壯勇殺死教民英桂尙未將辦理情形咨報而該國使臣屢請拏辦正兇情詞迫切等語傳教一事既已載在條約勢難顯爲禁止惟在自端趨向崇正黜邪見在辦理各件務須妥慎籌維當行者就案完結當拒者按約辨明不至日久遷延橫生枝節方爲妥善著曾國藩英桂馬新貽丁日昌卞寶第李鶴年各將見辦未結之教案迅速設法了結毋稍偏徇致辦理不得其平轉滋流弊原摺著各鈔給閱看將此由五百里各諭令知之○諭本日據總理各國事務衙門奏見辦傳

教各案中外未能相安請飭迅速完案並通飭各省按約辦理一  
摺已諭令江蘇福建河南各督撫迅速辦理矣惟思傳教一案載  
在條約自難顯爲禁止惟在修明正學自端趨向乃能崇正黜邪  
潛消隱患遇有交涉事件尤當持平辦理當行者就案完結當拒  
者按約辨明嗣後各該地方如有傳教之洋人務令士民各守本  
業不得聽信浮言無端尋隙儻有不安本分教士滋擾地方卽知  
會領事官按約懲辦必使民教相安不至釀成巨案著各直省將  
軍督撫等通飭各該地方官妥慎辦理毋稍偏徇致滋流弊原摺  
著各鈔給閱看將此各諭令知之○己亥諭軍機大臣等曾璧光  
奏逆首投誠安爲安置並請飭催實缺總兵赴任准令辦捐臬司  
葆亨專摺奏事各摺片龍貴克復以後逆首潘名桀及其胞弟潘  
得明逃竄復糾合都勻苗酋柳天成等肆擾經官軍痛剿潘得明

泣勸潘名桀投誠該逆不從竄往獨山潘得明乃自攜妻子戚屬面縛乞降曾璧光飭司訊供尙無僞情已示以不殺交張文德管帶使之殺賊自效固係權宜辦法藉安反側惟潘得明隨其兄爲亂多年罪惡甚重此次窮蹙來歸難保將來不復萌異志其潘名桀在逃未獲尤恐潛通消息洩我軍情著曾璧光密飭張文德妥爲鈐束畱心體察如果始終不渝卽責令隨隊勦賊贖罪未可驟假之兵以防反噬潘名桀係首先倡亂之人乃敢怙惡不悛必須上緊緝獲正法以洩黔民之憤並著曾璧光嚴檄各路將領暨各地方官會合按捕毋任久逃法網致貽後患古州鎮總兵劉士奇請假回湘計將假滿見在捻匪蕩平該總兵自當迅赴本任以重職守卽著李鴻章飭令該總兵毋庸回營由湘赴任並著劉岷催其迅速啟程到任後與席寶田等共籌防剿以靖苗疆曾璧光請

令李鴻章將該旗所部奇字軍三千人派員帶往貴東仍歸劉士  
奇統帶所需糧餉仍由原撥省分運濟之處著李鴻章斟酌辦理  
葆亨在湘辦捐距京較近所有各省捐局請獎及催撥餉銀等事  
著准其專摺具奏以免遲滯將此由六百里各諭令知之○劉嶽  
昭等請飭廣東撥還歷年欠解銅價以濟滇餉允之○庚子諭蘇  
廷魁等整頓河工積習○命金順夾擊米脂竄匪○子陝西陣亡  
副將張詩奇等祭葬世職○壬寅諭軍機大臣等錫綸奏交代印  
信在科辦理糧餉一摺錫綸於九月初八日將布倫托海辦事大  
臣印信派員齎送明瑤俟餉項撥清再行西進惟布倫托海辦事  
大臣一缺見已將福濟調補錫綸尙在科城正可與福濟彼此會  
商迅將見到餉項劃撥清楚後路糧臺安置妥協卽偕福濟剋期  
前赴布倫托海及早視事不得任意遲延致滋貽誤滿兵身受寒

苦甚堪憫惻福濟等當籌畫款項爲之置辦衣履以示體恤起程時仍當斟酌情形設法安插不得置之不顧福濟等抵布倫托海後該處一切應辦事宜均當悉心商酌妥籌整頓以靖地方其由俄境接回之索倫人眾尤應妥爲安置毋令失所將此由五百里各諭令知之○予布倫托海陣亡知府岳嵩武等祭葬世職○癸卯以孟冬時享太廟上前期親詣行禮○神機營王大臣奏臣等遵旨妥議善後章程查英翰原奏其請撤直隸練軍另選淮皖豫精銳一萬八千人仍分六軍以三千人爲一軍立一統帶而以兩軍併作一路擇一大將領之不過因練軍初設未經大敵不能得力淮皖豫各勇皆百戰之餘見籌安插正可藉以布置而於都興阿崇厚左宗棠李鴻章各摺皆極言客軍之不宜久駐練

軍之不宜盡撤頗爲深切著明官文七月間初奏以今春南勇追賊北來與民圖互相構釁與其畱客兵而別開生面莫若循舊制而汰弱畱強九月間續奏以直隸附近京畿並兩陵重地宜用兵而不宜畱勇因而統籌善後分別畱撤練兵並請將各營練勇擇地分布通融飭撥固本餉項以濟要需臣等謹就各該大臣所議互證參觀非特畱勇有弊卽練軍亦未嘗無弊然天下無無弊之事要在明其弊之所在可治與不可治能經久與不能經久而別擇以定其指歸畱勇之弊各該大臣固已言之鑿鑿而猶有未盡者軍中習氣官以募勇爲利數勇以投營爲利數虛名冒餉任意開支且復朝秦暮楚隨其所之無從限制其爲害於軍事者固難悉數卽以勦匪言之勇之所利惟恃人多氣盛而强悍不馴之性究難改革一有欠餉刻刻防其生變甚至帶勇者挾制居奇幾有

尾大不掉之勢近年將騎勇惰譁潰之事不一而足至其擾害閩  
閩倚眾滋事尤屬習爲故常當勦匪喫緊勉強用之出於無可如  
何若賊股已平猶欲蓄養此輩以期保衛竊恐無事生事維持調  
護日不暇給安能從容訓練令其悉守軍規設或遣撤無期閩閩  
騷動其爲害於地方者尤大臣等公同商酌英翰所請畱勇扼繁  
一節應毋庸議至練軍一事同治五年總理各國事務衙門以京  
師四路無軍不足以固根本因請選練直隸六軍復會同戶部兵  
部一再籌商定立經制行知直隸總督內外合謀時閏一年始將  
備糧餉製器械繁營壘派將領及一切緊要事宜次第料理稍有  
眉目而捻已由楚而豫由豫而東直隸爲鄰近之區亟圖守禦卽  
以六軍酌調或令防卡或令防河藉經費爲口糧而兵實未嘗練  
成英翰謂其有名無實洵屬不誣然前此練尙未成不妨再加精

嚴尚非終不可用且亦未能舍六軍而別求奇策臣等查直隸營伍如提標正定大名廣平等處素稱樸實壯健加籌經費調集訓練非不可成勁旅惟是練軍有利亦有弊知其弊而設法整頓卽是經久良圖左宗棠摺內謂營伍習氣已深驟難更革劉長佑練兵章程精密所演陣圖亦極合式議將翼長斟酌去畱未經戰陣之參遊都守等撤退以久於戰陣屢經保擢者充之庶幾營伍習氣可以蠲除李鴻章摺內謂欲化弱爲強立法與用人二者不可不大加變通所陳均屬切要見在大學士曾國藩由兩江總督調任直隸於練兵一事責無旁貸且該督久於戎事自能按時勢而力求實效必不徇眾論而敷衍目前應請飭下曾國藩於履任後將總理各國事務衙門及部臣會議練兵各條暨劉長佑推廣變通辦法左宗棠李鴻章等見議各節斟酌損益悉心籌畫妥議舉

行直隸甫經安定土匪游勇恐未絕迹練軍未成之先直隸山東河南各交界應否暫撥勇隊扼紮統由該督一併酌定奏明辦理至都興阿請將臣營隊伍撥赴通州盧溝橋等處輪替紮營查見在北路一律肅清通州等處距京甚近若輪替駐紮與在南苑訓練無異應母庸議上諭軍機大臣等軍興以來因兵力不足未嘗不資募勇以利征剿原爲救急應變之舉見在畿輔旣經肅清若仍置勇丁分紮各路誠恐客軍與土著雜處未必相安轉非所以保衛閩閩英翰所請畱勇扼紮一節著母庸議至直隸營務久經廢弛前經總理各國事務衙門會同戶部兵部議定選練六軍誠以根本重地當爲自強之謀迨捻匪北竄直隸官軍打仗仍不得力雖云訓練未精然國家歲糜鉅萬帑金養此無用之兵實堪痛恨此時賊匪旣平亟應將前定練軍章程從新整頓曾國藩久

諳戎事應如何變通之處著於到任後詳慎妥籌悉心經理務期  
化弱爲強一洗從前積弊以衛畿疆儻因直境甫就敉平毗連東  
豫一帶應暫撥勇隊以資彈壓一併由該督斟酌奏明辦理曾國  
藩未到任以前官文務飭各員弁照常訓練不得稍有懈弛紳機  
營原摺均著鈔給閱看將此各諭令知之○諭左宗棠奏籌防歸  
綏派員躡緝游勇吳坤修奏請派大員督辦省防長江皖南各釐  
請歸還安徽會籌開隄事宜各摺片綏遠歸化地界極邊薩托清  
等處黃流漫防務極關緊要著左宗棠會商定安等嚴密防維  
妥爲布置該大臣請飭袁保恆選募淮軍徑駐歸化並令其會同  
定安奏事之處均毋庸議陝省匪勢蔓延左宗棠當統率各營迅  
速西行殄除醜類豫省游勇冒充官軍於師行前後數十里間分  
行剽劫弁勇亦遭其害左宗棠雖已派員搜捕李鶴年當隨時督

飭地方官實力嚴擊按律懲辦皖境游匪乘機搶掠去省數里劫案屢出哥老會匪到處皆有尤慮互相勾結吳坤修見駐壽州未能兼顧所有省城防務著卽責成裕祿認真辦理遇有匪徒滋擾盡法懲治以靖地方山東至清淮一帶亦有游勇溷迹搶掠行旅並著張之萬丁寶楨飭屬嚴擊務獲究辦吳坤修所稱皖餉支絀見聞淮軍議撤請以長江皖南釐金除每年撥歸水師三十二萬兩外其餘概歸安徽等語卽著曾國藩馬新貽丁日昌吳坤修會商辦理豫省決開隋隄借道放水皖境宿州及靈泗等處必罹重災民命攸關不可不慎益加慎著曾國藩馬新貽張之萬蘇廷魁李鶴年吳坤修悉心籌商妥爲辦理母得以鄰爲壑貽害民生將此由六百里諭知曾國藩左宗棠馬新貽張之萬蘇廷魁丁日昌丁寶楨李鶴年並傳諭吳坤修知之○左宗棠奏竊陝甘變亂已

久軍威不振其原由於餉源奇絀無以養軍致士氣日頹無以制賊迨爲時既久賊勢仍張復議廣募客軍以求速戰之效於是兵數日增餉事日絀非僅不能制賊且更以增賊今之土匪哥老匪游勇潰勇則皆無餉之軍不能制賊反以增賊之明驗也餉足則將能取軍而軍不敢犯兵能衛民而民不受擾不足則反是聖人論政以足食爲先如不得已則以去兵爲急事理昭然豈必今異於古陝甘餉源支絀人皆知之陝西每年缺餉一百四十餘萬兩甘肅每年缺餉三百餘萬兩均經署撫臣劉典署督臣穆圖善陳奏臣前疏請撥實餉謂陝西每年缺餉一百五六十萬兩蓋並親軍各營合計不僅一百四十餘萬兩也謂甘肅每年缺餉二百餘萬兩蓋除歸併陝西供支之甘軍而言謂約止二百餘萬兩也合兩省計之缺餉總在四百餘萬兩從前髮逆捻逆未平天下之

東華錄  
卷一百一  
三  
患在東南財賦之鄉中原腹心之地勢固難以全注之西北一隅  
疆臣坐視淪胥不敢爲過望之請計臣但期敷衍無以應如願之  
求往復空文徒成畫餅茲幸捻氛盡埽海宇蕩平各省解嚴與民  
休息計清釐積欠酌畱兵勇爲費雖尙不貲而節出之餉需贏餘  
之釐金洋稅總不下千餘萬兩用東南之財賦贍西北之甲兵各  
省勢本有餘而陝甘則得半斯足此可爲陝甘常年經費請者也  
諭旨允軍機大臣戶部之請撥各海關六成洋稅項下銀一百萬  
兩爲臣西征實餉由臣酌撥甘肅自本年十二月起按月協解爲  
數本不爲少惟臣親軍各營五千餘外新開馬隊九營挑畱吉林  
馬隊三起此外劉松山新增步隊三營馬隊一營郭運昌新增馬  
隊一營又全福增募吉林民勇馬隊三百皆踰於常額計日授食  
每月卽需八九萬兩何有贏餘分撥甘省且此項旣自十二月起

算各海關縱如數如期協解水陸程途逾數千里非俟明年春夏之交頭批不能抵陝此數月間懸軍待餉遇有調撥何以應之或者陝餉尚有存餘堪資挹注則挪彼應此事猶可爲而途次接閱劉典鈔摺咨會知洋款業經用盡林壽圖詳稱司庫一空如洗穆圖善方索分洋款咄咄逼人卽欲稍事通融憑何著手而尤可惜者秦中兵事經劉典調度大有轉機諸將士盡力殲誠著有成績觀回逆之分議移巢土匪之款營乞撫可見其震懼兵威茲復聞臣弭節西旋軍容甚盛其恂懼實在意中如果糧餉充裕因其恂懼攻之事半功倍畱秦諸將領緘牘頻來亦均有急擊勿失之請僉謂臣方挈重兵鉅餉還秦勦撫兼籌事無不克而不知臣方垂橐入關兵力雖屬有餘餉事無從取給也無論籌勦則必裹行糧儲芻粟計特運籌撫則必籌安插給口糧散籽種非有寬裕款項

應手不能隨時舉辦卽令按兵坐食一無所事又豈能枵腹忍飢遠待數千里外隔年之協餉以舉火哉合無仰懇天恩飭兩江督臣江蘇撫臣湖廣督臣湖北撫臣兩廣督臣廣東撫臣粵海關監督各海關六成洋稅各照軍機大臣戶部原撥之數共計一百萬兩提前協解務於今臘明正到陝以應急需如各海關一時未能湊集如數卽援照成案仍由各督撫臣出備印票交臣上海轉運局福建道員胡光墉領收轉向洋商借取見銀解陝以期捷速仍由各督撫臣按期撥還歸款其息銀先於借款內剝扣統由臣報銷計此項提前數月到陝臣可將亟應辦理各事及時籌辦不致坐失事機而於各海關款目仍無出入其此項未到之前遇有緊急機宜陝西無款可籌并懇天恩飭下山西撫臣於河南鹽課項下無論京協各款提撥二十萬兩迅速解陝庶期就近有款

接濟掣肘無虞臣得一意經營別無顧慮陝西大局之幸也至陝甘全局之安危不爭一時兵事之利鈍緣地方彫弊異常又頭緒紛繁刻難就理一面用兵卽須一面籌辦善後庶幾一了百了後必無災診疾雖在延醫處方必須購藥藥品足備攻達乃神治重病則藥不得輕治久病則功難求速應仍懇天恩飭下軍機大臣會同戶部妥籌陝甘常年實餉自明年伊始事定而止每歲於各海關洋稅各省釐金項下劃提實銀四百萬兩分給陝甘酌時勢之緩急定協餉之多寡臣當率在事諸臣盡心力之所能到者鼴勉圖維與西事相終始期挈全境還之朝廷斷不敢或作或輒虛負恩知亦不致以餘粟餘財自汙素節區區愚悃冀荷鑒原得旨軍機大臣會同戶部速議具奏○諭都興阿等籌復東三省冬圍舊制○是月減免兩浙橫浦等四場欵收竈課